

Edizione diplomatica

Image not found

https://letteraturaeuropea.let.uniroma1.it/sites/default/files/R%201_6.jpg

Raymbaut daure(n)ca

Ab nou cor (et) ab nou tale(n). ab nou saber (et) ab nou sen. (et) ab
nou bel capteneme(n). uelh un bo nou U(er)s com(en)sar. (et) qi mos
bos nous motz e(n)te(n). be(n) er pus nous asso uiue(n). com miels se(n)
deu renovar. ? **Qui** en renouvelh mo(n) ardim(en). q(ue)l nouel ho(m)z
uielh pessame(n). y franh nouel ab ferm parue(n). er ca(n)t em al nouel tems
clar. q(ue)lh nouels fuelh nayso(n) de sen. lo nouelh crit o(n) ioi sempre(n) els
auzels qintra(n) en amar. ? **Doncs** amors me fay alegrar. qieu nay pus
com nos pot pe(n)sar. ta(n) be com yeu am ni comtar. (et) am la ge(n)ser ses
co(n)te(n). se dieus mam enoy met cuiar. car miels damar lam saup
triar. amors ca(n)t nos aiustet gent.

Image not found

https://letteraturaeuropea.let.uniroma1.it/sites/default/files/R%202_0.jpg

? **Damor** me dey ieu be(n) lauzar.

pus ca ad (et) amors guazardonar. no(n) pus camor mays sim ten car. q(ue) dat ma
p(er) so(n) chauxime(n). pus camors no(n) pot estuiar. assos obs amors ni donar. a
mi a dat nou cor rize(n). ? **Rire** deg ieu sim fas soue(n). q(ue)l cor meri neys
e(n) dorme(n). e mi do(n)s rim ta(n) dossam(en). q(ue) belh ris mes de dieu som par. elh
sieu belh ris fam pus iauze(n). q(ue) sim rizia(n) qatre. c. a(n)gels que(m) deuria(n) ioi
dar. ? **Gaug** ay ieu tal q(ue) mildole(n). seria(n) de mo(n) gaug mane(n). e del mi
eu gaug tug mei pare(n). Uieurian ab gaug ses maniar. (et) qi uol e
gaug say lan q(ue)re(n). quieu ay tot gaug et eysam(en) la midons q(ue)l mi pot
tot dar.

Image not found

https://letteraturaeuropea.let.uniroma1.it/sites/default/files/R%203_0.jpg

? Dona dals no(n) ay a parlar. mas de uos domna q(ue) bayzar.
Uos cug domna cant aug nomnar. Uos domna q(ue) ses uestime(n) q(ue)n mo(n)
cor domna Uos esgar. cades mi ue(n) domna estar. uostre belh cor nou
auine(n). ? **DE** mo(n) uers nou uuelh totz pregar. q(ue)lh mano(n) de no
uelh chantar. aleys cam senes tala(n) Uar. dieus ma bays (et) amors
si e(n) me(n). cautre ris me sembla plorars. sim te(n) ferm e(n) gaug ses lay -
sar. mi dons ca adautramor nos te(n). ? **Ia** dieus outra no me(n) pre -
ze(n). sol q(ue) lieys gar e(n) mo(n) ioue(n).

- letto 299 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1487>